

FINALI

(Finale 1980)

Testo musicato da Giovanni Marchese

=====

Affaccita a lu barcuni chi vardi lu mari
pari na signurina chi prumetti tantu
e la turri misa dda ppi-ttia vardari,
vicchiaredda, ti pruteggi comu un Santu.

Eri riposu di tutti i carrittieri,
nuddu passa rittu di li furistieri,
tutti si fermino e chiedinu ri tia
nicuzza ti ricordinu cu tanta simpatia.

Nun si po-ddiri ca si bedda assai,
si comu un ciuri c'ancora avâ-sbucciari,
ma si bidduzza e li doti tu cci l'hai
pi-ddivintari "granni" da fari-nnamurari.

L'acidduzzi t'arrivigghinu, quannu spunta u sulì,
luntanu ri li casi picchè nu n'anu nidu nta li muri;
i casi anu liscia la facciata
comu na picciuttedda ncipriata.

Puru li pisci su tantu priati
picchè u mari è bieddu e trasparenti
luogu sicuro d'antichi pirati
unni d'estati inviti tanta genti.

Oh..! Quanta ricchezza hai di spiranza
pi divintari bedda, ruci e santa
e si di ccà pi-fforza avissi a-gghiri
cu-mmia ti portu sempri n ta lu cori.

Lucia Vranca